

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Wie Sifrit verraten wart

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

- 3240 Vil der Kynige Lande der helt des truren began;
Do liezen siz do belieben spiln man do sach.
Hey waz man starker schefte vor dem munster brach.
Vor sifrides wibe al zuo dem sale dan.
Do waren in unmuote genuoge gunthers man.
- 45 Der kunich sprach lat beliben den mörlichen zorn.
Er ist uns ze felden und ze eren geborn.
Ouch ist so stare grimme der wundern küne mann.
Wurde er sin innen so torst in nieman bestan.
Nein er sprach do hagne lat iu ez wol behagen.
- 50 Ich trouwe ez heinliche also angetragen.
Daz brunhilde weinen sol im werden leit.
Im sol von hagnen immer wesen widerseit.
- 3253 Da sprach der kunich gunther wie mohte das ergan
Des antwurte hagne ich wil iuchz hören lan.
55 Heizen boten riten zuo uns in daz lant.
Wider sagen offentliche die hie niemen sin bechant.
So iehet ir vor den gesten daz ir und iwer man.
Wellent herverten also daz ist getan.
So lobet er iu dar dienen des siulset er den lip.
- 60 So ervare ich uns diu mere an des reken künen wip
Der kunich uhel volgte hagnen sinen man.
Die starken untrüve begunden tragen an.
E ieman daz erfunde die rietter uz erkorn.
Von zweier vrowen bagen wart vil mannich helt
verloren.

WIE SIFRIT VERRATEN WART.

- 3265 **A**n dem vierden morgen zwen und drizech man.
Sach man ze hove riten daz wart do kuntgetan.
Gunther dem richen im were widerseit.
Von luge wnohs den fröuwen grozer iamer unde leit.
Urloup si gewinnen daz si fur solden gan.
- 70 Und iahen daz si weren liudgers man.
Den e da hete betwungen sifrides hant.
Und in ce gisle brehte in gunthers lant.
Die boten er do gruozte unde hiez si sicken gan.
Einer sprach darunder herre lat uns stan.
- 75 Unz wir gesagen mere diu iu enboten sint.
Ja habet ir ce viende daz wizzet maniger muoter
kint.
Ja widerseit liudgast und liudger.
Den ir da wilen tatet gremlichia fer.
Die wellent zuo iu riten mit her in dice lant.
- 80 Der kunich begunde zurnen do er diu mere bevant.
Man hiez die meinräten zern herbergen varn.
Wie mohte sich sifrit davor do be warn.
Er oder ander ieman daz si do truogen an.
Daz wart sit infelben ze grozem leide getan.
- 85 Der kunich mit sinen frunden ruonende gie.
Hagne von trony in nie geriwen lie.
Nach heten ez gescheiden des kuniges man.
Do wolde et hagine nie des rates abe gan.
Eins tages si sifrit ruonende vant.
- 3290 Do begunde vragen der helt von niderlant.
wie gat so truorelichen der kunich und sine man.
Daz hilfe ich immer reken hat in ieman iht getan.
Do sprach kunich gunther mir ist von schulden leit.
Liudgast und liudger habent mir widerseit.
- 95 Si wellen offentliche riten in min lant.
Do sprach der degene küne daz sol sifrides hant.
Nach allen iuren eren mit siuze under stan.
Ich tuon noch degenen als ich in e han getan.
Ich lege in wüste ir burge und ouch ir lant.
- 3300 E daz ich erwinde des si min houbet iwer phant.
Ir und iwer reken sult hie heim bestan.
Unde lat mich zuo in riten mit den die ich han.
Daz ich iu gerne diene daz laze ich iu sehen.
Von mir sol iwern vienden wizzet leide geschehen.
- 5 So wol mich dirre mere sprach der kunich do.
Als eb er ernfliche der helfe were vro.
In valsche neig im tiefe der ungetriwe man.
Do sprach der herre sifrit ir sult kleine forgeshan.
Do schikten sie die reise mit den knechten dan.
- 10 Sifride und den sinen ce schenne ez was getan.
Do hiez er sich bereiten die von niderlant.
Sifrides reken suochten stritlich gewant.
Do sprach der starke sifrit vater min her sigmunt.
Ir sult hie beliben wir komen in kurzer stunt.

- 3315 Git uns got geluke her wider an den rin.
Ir fult bi dem kunige hie vil vrolichen sin.
Diu zeiken si ane bunden alse si wolden dan.
Do waren da genuoge gunthers man.
Die wessen niht der mere wa von ez was geschehen.
- 30 Man mothe groz gefinde do bi sifride sehen.
Ir helme und ouch ir brunne si bunden uf diu march.
Sich bereite von dem Lande manich riter starch.
Do gie von trony hagne da er kriemhilde vant.
Er bat im geben urloup si wolden rumen daz lant.
- 25 Wol mich sprach chriemhilt daz ich ie den man
gewan.
Der minen lieben vriunden so wol tar vor stan.
Alse min her sifrit tuot den friunden min.
Des wil ich hohes muotes sprach diu kunniginne sin.
Lieber friunt er hagene degen heten daz.
- 30 Daz ich in gerne diene und noch nie wart gehaz.
Des lat mich geniezen an minen lieben man.
Er sol des nicht entkelten hab ich prunhilt iht
getan.
Daz hat mich sit gerowen sprach daz edel wip.
Ouch hat er so zerblouwen darumbe minen lip.
- 35 Daz ichz ie gereite daz beswarte im den muot
Daz hat vil wol erroken der degen kune unde guot.
Er sprach ir werdet wol versunet her nach disen
tagen.
kriemhilt liebiu vrowe ia fult ir mir sagen.
Wie ich iu muge dienen an sifride iwern man.
- 40 Daz tuon ich gerne frouwe baz ichs nieman engan.
Ich were an alle sorge sprach do daz edel wip.
Daz im ieman neme in sturme sinen lip.
Ob er niht wolde volgen finer ubermuot.
So were immer sicher der degen kune unde guot.
- 45 Vrowe sprach do hagne unde habet ir des wan.
Das in muge versniden ir fult mich wizen lan.
Mit wie getanen listen sol ichz under sten.
Ich wil im zehuote immer riten unde gen.
Si sprach du bist min mach so bin ich der din.
- 50 Ich bevilhe dir uf triwe man den lieben min.
Daz du wol behuteft mir den lieben man.
Sie seit im kundiu mere diu vil bezzer waren
verlan.
Si sprach min man ist kune dar zuo starch genuoch.
Do er den lintdrachen an deme berge sluoch.
- 3355 Ja badete sich der reke in dem bluote viel gemeit.
Davon in seit in sturmen kein wafen nie versneit.
Idoch bin ich in sorgen swenne er in strite stat.
Und vil der Gefuzze von helde hande gat.
Daz ich da verliefe den minen lieben man.
- 60 Hei waz ich grozer sorge dike umb sifriden kan.
Ich melde ez uf genade vil liber friunt dir.
Daz du dine triwe behaltest ane mir.
Da man da mach verhowen den minen lieben man.
Daz laze ich dich horen dest uf genade getan.
- 65 Do von des draken bluote sich der riter guot.
Do viel im zwischen der herte ein lindenblat vil breit.
Da mac in versniden des han ich sorge und leit.
Do sprach von trony hagene uf daz sin gewant.
Nat ein cleinez zeichen dabi ist mir bekant.
- 70 Wa ich in muge behuten so wir in sturmen stan.
Si wande den helt vristen ez was uf sinen tot getan.
Si sprach mit klinen fiden ne ich uf sin gewant.
Ein tougenlichez criuze da sol helt din hant.
Minen man behuten so ez in die herte gat.
- 75 Swenne er in den sturmen vor sinen vienden stat.
Daz tuon ich sprach do hagene vil libiu vrowe min.
Do wand ouch diu vrowe ez fold im frume sin.
Do was damite verraten der kriemhilde man.
Urloup nam do hagene do gie er vrolichen dan.
- 80 Des kuniges ingefinde was allez wol gemuot.
Ich wene nimmer reke deheiner mer getuot.
So groze mein räte so da von im ergie.
Do sich an sine triwe diu schone kunnigin verlie.
Des anderen morgens mit tusent siner man.
- 85 Reit der herre sifrit vil vrolichen dan.
Er wand er folde reken der sinen friunde leit.
Hagene im reit so nahene daz er geschouwe diu cleit.
Als er gesach daz bilde do seiete er tougen dan.
Die seiten andriu mere zwene siner man.
- 90 Mit vride folde belieben daz gunthers lant.
Und si hete liudger zuo dem kunige gesant.
O wie ungerne sifrit do hin wider reit.
Er enhete e geroken siner vriunde leit.
Wan in der reise er wanden vil kume gunthers
man.
- 95 Er reit zuo dem kunige der wirt im danken began.
Nu lon in got des willen vriunt her sifrit.
Daz ir so willechlichen tuot des ich iu bit.

- 3398 Daz sol ich immer dienen als ich von rechte sol.
Für alle mine vrienden getrowe ich iu wol.
- 3400 Nu wir der herverte ledech worden sin.
So wil ich iagen riten bern und swin.
Hince dem was kein walde als ich vil dike han.
Daz hete geraten hagne der vil ungetriwe man.
Allen minen gesten sol man daz nu sagen.
- 5 Ich welle fruo riten die wellen mit mir iagen.
Daz sich die bereiten die wellen hie bestan.
Hubschen mit den vrouwen daz sie liep mir getan.
Do sprach der starke sifrit mit herliken site.
Swenne ir iagen wellet da wil ich gerne mite.
- 3410 So solt ir mir lihen einen suochman.
Und eteliken braken so wil ich riten in den tan.
Welt ir niht nemen einen sprach der kunich
zehant.
Ich lihe iu welt ir uere den wol ist bekannt.
Der walt und ouch die stige swa diu tier gant.
- 15 Die iu niht uosewise wider heim riten lant.
Do reit zuo sinem wibe der riter vil gemeit.
Schiere hete hagene dem kunige gefeit.
Wie er gewinnen wolde den tiwerlichen degen.
Sus grozer untriwe solde nimmer man gepflegen.

 WIE SIFRIT ERSLAGEN WART.

- 3420 **G**unther und hagne die reken vil balt.
Lobeten mit untriwen ein pirlen in den walt.
Mit ir scharpfen geren si wolden iagen swin.
Beren und wifende waz kunde küners gesin.
Damite reit ouch sifrit in erlichem Site.
- 25 Maniger hande spile die fuorte man in mite.
Zuo eime kalten brunnen verlos er sit den lip.
Daz hete geraten prunhilt kunich gunthers wip.
Do gie der degen küne da er kriemhilde vant.
Do was nu ouf gesoumet sin schön edel pires ge-
want.
- 30 Und ouch der gefellen si wolden uber rin.
Do endorste kriemhilde nimmer leider gesin.
Sine trutinne kufft er an den munt.
Got laze mich dich vrouwe gesehen noch gesunt.
Und mich ouch diniu ougen mit holden magen din.
- 35 Solt du kurzwillen ich mach heime niht gesin.
Do dabte si an diu märe si entorste ir niht sagen.
Diu si hagnen seite do begunde si slagen.
Diu edel kuniginne daz si ie gewan den lip.
Do weinde ane maze daz vil wunder schöne wip.
- 40 Si sprach zuo dem reken lat iwer iagen sin.
Mir troumte heint leide wie iuch zwei wildiu swin.
Jageten uber heide da wurden bluomen rot.
Daz ich so fere weine daz get mir werliche not.
Ich furhte harte fere etelichen rat.
- 3445 Obe man der deheinen misse dient hat.
Die uns fügen kunnen vientlichen haz.
Belibet lieber herre mit triwen rate ich iu daz.
Min liebiu trutinne ich kume in kurzen tagen.
Ich weiz hie niht der liute die mir iht hazzes tragen.
- 50 Alle dine mage sint mir gemeine holt.
Ouch han ich an den degnen hie niht anders verholt.
Neina herre sifrit ia furhtich dinen val.
Mir troumte heint leide wie obe dir ze tal.
Vielen zwene berge ich gefäch dich nimmer me.
- 55 Wil du von mir scheiden daz tuot mir innerlichen
we.
Er umbevie mit armen daz tugentliche wip.
Mit minnecllichem kusse er trüte ir schönen lip.
Mit urloube er dannen schiet in kurzer stunt.
Si gefäch in leider darnach nimmer mer gesunt.
- 60 Do riten si von dannen in einen tiefen walt.
Durch churzewile willen vil manich riter balt.
Volgeten gunthere und sifride dan.
Gernot unde gifelher die wolden deheime bestan.
Geladen vil der rosse kom vor in uber rin.
- 65 Die den ietgefallen truogen brot unde win.
Vleisch mit den Vischen unde ander Manigen rat.
Den ein kunich so rike harte billichen hat.
Si hiezen herbergen für den gruonen walt.
Gen des wildes ablaufe die stolzen iägeren balt.